

目錄

出處類

干謁

官祿
知遇

進次

祈請

援助
雜類

解免

辭謝

徵召
雜類

官祿

陳謝

官祿
雜類

知遇

官況

清閑
險難

勞苦

隱遁

玩世
厭世

游息類

行役

王事
餓驅

分類歷代尺牘選粹

目錄

羈旅

游眺

看山
玩水

居處

清貧
高雅

景物

山水
花草

雪月
竹樹

褒貶類

推薦

介紹

頌揚

文治
位望

武功
雜類

贊美

文章
德行

詩賦
才能

書畫
雜類

欽服

文章
詩什

景仰

風義
雜類

節操

品藻

文章
才品

屬望
鄙薄

政事
仁恤

功名
匡助

修養
雜類



分類歷代尺牘選粹卷二

出處類

干謁官祿

衍聞神龍驤首。幽雲景蒸。明聖修德。志士思名。是以意同情合。聲比相應也。伏見君侯忠孝之性。慈仁懇懃。論議周密。思慮深遠。顧以微賤。數蒙聖恩。被侯大惠。衍年老被病。恐一旦無祿。命先犬馬。懷抱不報。齎恨入冥。思剖肝膽。有以塞責。方今天下安定。四海咸服。蒙恩更生之臣。無所效其死力。側聞東平山陽王壯當之國。擇除官屬。衍不自量。願侯白以衍備門衛。鄙語曰。水不激不能破舟。矢不激不能飲羽。不念舊惡。名賢所高。負責之臣。欲言不敢。惟侯哀憐。深留聖心。則闔棺之日。魂復何恨。馬衍

書就

融昔稱幼學。早訓家風。雖則不敏。率以成性。布衣韋席。弱年所安。簞食瓢飲。不覺不

樂。但世業清貧。民生多待。榛栗棗修。女贄既長。束帛禽鳥。男禮已大。勉力就官。十年七仕。不欲代耕。何至此事。昔求三吳一丞。雖屢舛錯。今聞南康缺守。願得爲之。融不知階級。階級亦可不知。融政以求丞。不得所以求郡。求郡不得。亦可復求丞。從張融征吳

北將軍
永書

某緯蕭末品。拾艾幽人。寓迹零壇。挹危直之祕說。託根磬渚。戢戰勝之良圖。幸以奉訓趨庭。束情田於理窟。從師負笈。私默識於書林。至於九流百氏。頗探其異端。萬卷五車。亦研其奧旨。將欲優游三樂。負杖以終年。棲遲一邱。鳴絃而卒歲。諒以糟糠不贍。甘旨之養。屢空簞食。無資朝夕之歡。寧展是以祈安陽之捧檄。擬毛義之清塵。思魯國之執鞭。蹈孔聖之餘志。略賓王上府啓

累年以來。凶險薦至。兩兄一弟。殂謝連及。孀孤空室。苫蓋在庭。故不忍聞。今在備見。誠宜泣血私第。移疾公門。胡復心顏以冀榮遇。所不爾者。亦惟明公哀之重。以諸姪藐然三喪在殯。邱封未兆。凍餒是虞。匪伊薄祿。云何取濟。蕭穎士爲南陽尉六

誠使待罪末品。參一旅之長。受偏師之任。羽書狎至。烽火交馳。察以時候。占其氣物。標利害之形。相山澤之險。乍聚乍散。一陰一陽。飆馳雷動。千變萬化。使兵不血刃。勢如川決。與夫搴一旗。斬一卒。崎嶇行陣之末。以徼賞求名者。何其遠歟。如或人非廢言。事有可驗。又得出疆場之外。奉咫尺之書。因宜料敵。隨事制變。使千古忠臣之節。凜然復存。則蘇武虜中。尙能齧雪。傅生幕下。必斬樓蘭。此亦一奇也。

蕭穎士爲邵書作上張兵部書

再拜後。還坐賓舍中。有小吏持吏書來。其語曰。帛十疋。吏置帛書於亞之前。曰。閣下所以貺客也。其敬之誠則厚矣。然有所未滿者。敢爲閣下道之。夫虬能興水。濟物。故佐天如臣。草木仰其澤。苗方秀而望其成。有乏一日之雨。而不及其實者。則仰告斯臣以求之。得一日足矣。若纔潤於枯槁。則已。且猶將困之。今亞之往復道路三千餘里。禹禹之誠於苗之旱甚矣。而千鍾之祿於水之用又大焉。亦何惜一日之澤。而不給其涸哉。亞之狂愚。當其困涸。不知所爲。乃復枯苗仰澤之說。再敢煩告。且閣下寧能不憐之。

沈亞之與薛漸東書

但以依仁歲久軒墀之桃李成陰趨岸年深門巷之椅桐暗老徒蒙蔭覆莫自根芽良辰幾何玄鬢倏改伏惟相公推名意切錄舊情深朝宣一言夕濟千里俾生平志

業不負於辛勤向者恩知果成其遠大生死幸甚

薛逢上崔相公啓

此地名高六雄實控東道分憂之寄自昔爲榮況在疎蕪敢忘涯分但以轡軒全至賦貢川流非惟撫字之難兼有送迎之遽舊痾加甚朽質難堪假故稍頻曠廢爲懼又以宦游既久故里多違陶令之田園將蕪尙平之婚嫁未畢顧惟羈絆未可歸休竊敢遠疏丹誠上干清重匪獨祈恩於時宰實將誓款於已知儻蒙以然諾爲心誠明濟物垂憂不逮賜議所安則吳楚之間郡邑不少非當衝要或異膏腴使之頒條

庶可求瘼

李商隱爲絳郡公上崔相公啓

屬者尙書置驛恩寬敦風志大孔文舉之干元禮既忝登門徐孺子之謁陳蕃俄蒙下榻淹延館宇荏苒春秋稻粱有異於他人觴豆時陪於上客那言此際遽愴離聲背重德於邱山揖紅塵於道路緬懷今日杳不勝情加以貢部傷心名場落羽獸因

鬪困羊以多亡。前瞻既倦於吹。蠶內顧徒悲於求劍。昔也來慚賦雪。謬稱梁苑之游。今則去類乞師。已抱秦庭之哭。倚征輪而悵望。指斷鞭以夷猶。尙書儻或仙客。壺中旁均日月。山公啟裏別借篇題。無令一葉先秋。遂對滿堂垂泣。捨此丹須九轉。桃指千年。天也何如。時乎不再。

羅隱辭宜武
鄭尙書啓

比控悃幅。仰瀆化鈞。退惟僭瀆。方俯伏以俟訶譴。丞相始則記識不忘。意其尙可祓飾。起之於病廢之中。及厓殘衰。蹙不能拜。命則又惻然憫其困窮。處之帥幕。俾得亟就厚祿。以蘇貧病。矜憐拊養之賜。至深至厚。不可稱量。顧以茶然病軀。餘息如髮。雖數舍之近。亦無由輿疾自致。涸轍窮涂。塊圯之鈞。再三陶播。猶不能植。命之奇窮。亦云極矣。祠祿雖薄。方此歉歲。月得數觔粟。在困厄中。殊有所濟。若蒙矜恤。而曲從之。幸之大者也。力疾布稟。不勝惓惓。

呂祖謙與
趙丞相書

某杜門避影久矣。出山一事。不到夢寐間。聞命誤節。湘羅笑人。方循牆丐祠。以安半菽。儻拜俞音。春晝花陰。猿鶴飽臥。亦五雲之密蔭也。衰褻渠渠。餽禮郁郁。固不敢當。

亦。不。得。不。拜。草。此。稟。酬。尙。規。裔。謝。

文天祥
鍾叔玉帖覆

干謁 進次

白孤劍誰託。悲歌自憐。迫於淒惶。席不暇暖。寄絕國而何仰。若浮雲而無依。南徙莫從。北遊失路。遠客汝海。近還邛城。昨遇故人。飲以狂藥。一酌一笑。陶然樂酣。困河朔之清觴。飫中山之醇酎。屬早日初眩。晨霾未收。乏離朱之明。昧王戎之視。青白其眼。曹而前行。亦何異。抗莊公之輪。怒螳螂之臂。御者趨召。明其是非。入門鞠躬。精魄飛散。昔徐邈緣醉而賞。魏王卻以爲賢。無鹽因醜而獲。齊君待之逾厚。白妄人也。安能比之。

李白上安州
李長史書

白聞天下談士相聚而言曰。生不用封萬戶侯。但願一識韓荊州。何令人之景慕。一至於此邪。豈不以有周公之風。躬吐握之事。使海內豪俊奔走而歸之。一登龍門。則聲價十倍。所以龍蟠鳳逸之士。皆欲收名定價於君侯。願君侯不以富貴而驕之。寒賤而忽之。則三千賓中有毛遂。使白得脫穎而出。卽其人焉。

李白與韓
荊州書

李白與韓
荊州書

白隴西布衣流落楚漢十五好劍術徧干諸侯三十成文章歷抵卿相雖長不滿七尺而心雄萬夫王公大臣許與氣義此疇曩心跡安敢不盡於君侯哉君侯制作侔神明德行動天地筆參造化學究天人幸願開張心顏不以長揖見拒必若接之以高宴縱之以清談請日試萬言倚馬可待今天下以君侯爲文章之司命人物之權衡一經品題便作佳士而君侯何惜階前盈尺之地不使白揚眉吐氣激昂青雲耶

夫橫一木而棟明堂者其力固多然其下有柱柱下有石石下有土積三物而棟力成焉故太玄曰崔嵬下崩羣土彊此明上下節級有扶持之道也今人之望閣下挺一身而棟天下必矣抑不知棟下之柱者誰乎柱下之石土者誰乎此小生汲汲於私心誠在此也

劉軻上章
右丞書

某材誠漏薄志實辛勤九考匪遷三冬益苦引錐刺股雖謝於昔時用瓜鎮心不慚於前輩儻得返身湖嶺歸道門牆麤依鳴益之餘以奉陶鎔之賜則尙可濡毫抒藝

殺竹。貢能記錄咎繇之謨。注解傳巖之命。庶於此日。不後他人。

李商隱上狀
南盧尚書狀

伏以相公周輅輪轅。虞琴節奏。早振經邦之業。果敷華國之姿。伊尹安危。本同於兆。庶深源行止。必繫於興衰。既而放跡戎軒。遺榮畫室。劉尹秣陵之柳。尙有清風。召公陝服之棠。空留美蔭。竊聞謠詠。卽付樞衡。是以負笈趨塵。羸糧載路。願奏書於台席。思撰履於侯門。儻張禹尊高。猶爲戴榮說禮。鄭玄嚴毅。便令服慎。聞詩敢歎。朝飢誠甘。夕死。宰溫庭筠上

伏以待御身弓落雁。心劍剗犀。儒囿中軍。翰林盟主。揮五色筆。爲諸侯師。出奇於文苑之中。二南銜璧。決勝於紛闡之內。七子輿棺。儻蒙益以奇兵。濟之餘勇。旁磨義櫓。遠借雲梯。使武庫戈矛。皆爲我旅。文山草木。盡作王師。苟無必勝之功。甘受後期之責。

韋諷雲投殿院
侍御啓

衰晚兀兀待盡而已。比聞暫總帥事。輒期一見。以酬素志。蒼顏白髮。仰附後車之載。或能上助仁者愛老念舊之樂。私庭無助。凡米鹽瑣屑。率身履之用。是蹭蹬向風。何

已故都可擇之勝固多。乘時抑揚不妨自達。順御而超。見絕韻。因以付之翰墨。足爲一方無窮之美觀也。茶焉衰舊。實與榮焉。臨筆倍增跂頌。

李之儀與姚潛書

恭惟老世丈閣下。金鉉偉器。玉尺清標。進拜夕垣。雅符夙譽。冰心玉映。風簡霜飛。展矣四國具瞻。豈獨六垣領袖。某菰蘆長物。草木餘生。介恃雲泥之舊。知得借月旦之餘論。族孫起部。旣荷推烏。邑令之官。復承庇燕。綢繆無已。欣感交并。因犬子計偕北上。敬裁尺牘。申候丈函。竊念身世桑榆。物情枳棘。不肖白頭。野老棲止空門。犬子黃口書生。逡巡鎖院。蔭萬間之廣厦。何啻三重假半壁之餘光。豈伊一夕莫舒心縷。更託口郵。臨風溯瞻。不盡馳企。

錢謙益與人啟

不肖才駑思鈍。多歷踣蹶。雄心銷折。垂盡顧夢。寐賢豪之思。窮而愈堅。門下方爲九州之被。如僕單布襜褕。固易納之緘孔中。敢介季常諸君。自通門下。

茅維與王宇泰太史書

衡昔避亂新安。所傳隄法。私得之程方舊人。而折衷於去塵。頗窮其源。儻藉顧盼。重理此事。古人隱於酒。隱於鍛。衡將欲隱於墨。或近乎老氏守黑之旨。旣以自娛。少

取贏餘餉吾口猶之賣藥賣卜也其許子墨客卿一蹶屨擔簦而來乎

陳允衡寄寶德邁憲使書

干謁 知遇

今日裘與蓑孰急見雨則裘不用上堂則蓑不御此更爲適者也今敬通逢堂蓑之

不遇也

馮衍詣鄧禹箋

儻使陳留逸調下探柯亭之篠會稽陰德傍眷餘溪之蔡則迴眸之報不獨著於前龜清亮之音誰專稱於往笛雖滄溟遠量敢不愧於牛涔而嵩岱洪恩終曾酬於蟻

垤

賈賁府王上啓

幸屬日月光華雲霞紛郁方結羨魚之網將謠扣角之詞奮短翮於檜楸希高標之餘拂濯纖鱗於涓滴望鴻澤之微霑所冀顧盼曲流翦拂增價則鉛刀起一割之用跛鼈致千里之行是知竊混吹於齊竽濫飛聲於郢唱抱山雞而自慙顧遼豕以多慚

賁

賈賁府王上啓

竭來甕牖利見金門指帝鄉以望雲赴長安而就日美芹之願徒有獻於至尊蟠木

作上
兵部
書

之姿。誰爲容於左右。明公決幾成務。論道經邦。一顧之隆。駘足逾於仙驥。片言之重。魚目軼於靈蛇。庶望顧兔離箕。動薰風於舜海。從龍潤礎。霈甘澤於堯雲。則膾餘之魚。希振鱗於吳水。膳後之豕。翻化龜於魯津。駱賓王上啓

每讀太史公書。竊慕穰苴樂生之高義。常願一寘戎車之殿。指麾部分。爲天子干城。近臣不知明主。未識徒欲奮決。孰爲引致。嗟乎。使古之二子。復與僕同時。於今雖有敗晉強燕之謀。亦不能自達也。明矣。所謂論干戈於揖讓之代。則悖者信哉。蕭穎士

昌齡久於貧賤。是以多知危苦之事。天下固有長吟悲歌。無所投足。天工或闕。何惜補之。苟有人焉。有國焉。昌齡請攘袂先驅。爲國士用。勞絲之務。最急之治。實所甘心。昌齡豈不解置身青山。俯飲白水。飽於道義。然後謁王公大人。以希大遇哉。每思力養不給。則不覺獨坐流涕。啜菽負米。惟明公念之。王昌齡上李侍郎書

一昨猥辱面奉。徵及玫瑰。敝廬所有。敢不供上。輒獻數本。惟恕其非多。此物常開花。

明媚可置之近砌。芳香滿庭。雖萱草忘憂。合歡蠲忿。無以尚也。夫花卉以明媚芳香之故。閣下不憚煩以採掇。則士之有才有藝者。必將盡力而搜求。人人相賀。皆有望於明公矣。某猶慮花卉移植之際。或有天閼其生。詢樹藝之叟。求長養之術。叟曰。以吾鄙見。先務及時。第能當春徙之度。地居之順。其陰陽遂其成性。根莖未固。擁之以沃土。枝葉未茂。溉之以寒泉。則扶疎鬱映。紅芳可得而翫矣。觀叟所爲。其理信然。某誠以臃腫之姿。願附於玫瑰之末。擁土溉泉。非明公而誰良。時在茲無或遐棄。不宣。

邵說上中書
張舍人書

里人有良金鬻於市。而里之豪亦鬻焉。俱將售於衡者。豪人金雖精。里人出其左。衡人畏豪奪其價。而先豪。里人懷而去。明日之他市。而衡之直復不同。又懷去。又明日之他。又然。歸而聚黨與謀曰。聞某市有衡人。不欺一市之人。謂之直。遂往與羣金角。俱歷火昇衡市。人曰。雖然。願先豪。衡人曰。是精蟲在目。輕重在衡。衡目可欺乎。市人慙而退。其直果然。今亞之負詞之來於執事。其望亦同於直者也。伏惟熟察無忽。

自相公再秉鈞衡。重開鑪冶。私門相慶。如春發榮。山妻斂袂而前曰。爾以詞賦擢高科。以詩篇達天聽。以政事取章綬。以孤直沈下僚。今相國司徒公鼓鑄元和。疇庸品物。風俗日益厚。泰階日益平。是懷才抱器之人。雲飛雨化之秋也。何尚悒悒於蓬茅者乎。於是整某之冠。急某之帶。驅策僕御。促某出門。仍授某洛下所著百篇。再拜祝而送之曰。飛龍在天。雲雨闐闐。賢相秉鈞。倫方序圓。時哉時哉。君其勉焉。某離鞍拜賜。超乘而出。茫然而又不知其所。自平生坎壈難自梯媒。進退囁嚅。終莫上達。亦猶覓者夢逐聲。愈哀而言愈不宣。足愈勤而身愈不進。孤影無援。危燈在旁。幽憂旅魂。逼迫中夜。獨能振臂呼而寤之者。唯相公乎。

薛逢上白
相公啟

每念大漢之興。好文爲最。悅洞簫之製。則諷在後庭。美子虛之文。則恨不同世。然猶揚雄以草玄見誚。馬卿亦用貲爲郎。何賓實之紛綸。而名義之乖爽。況乎志異數子。事非當時。司寇栖栖。反歎爲幸。嗇夫喋喋。誰爲非賢。又安可坐榮於寒谷之中。自致

於剛氣之上。矧灰簫難駐。圭管無停。若使蜀臣之九考不移。漢郎之三朝莫過。人嘲

染鬢帶憤。減圍卽葛洪命述。永處跛驢之伍。田光精竭。必爲駑馬所先。

李商隱獻舍人河東公啓

頃者曾干閣侍。獲拜堂皇。旣容納之有加。遂希望之滋甚。爾後以毛傷榮。彈鱗損任。

鉤拔刺不遑。噉喙無暇。旣乖受教。便以經時。今孝秀員來。風霜已積。秦人屢出自欲。

焚舟楚卒。數奔誰教。拔旆是以更持。魚目當夜肆以沽。諸復挈豚蹄祝天時之未已。

義誠多媿。志亦可憐。儻蒙猶枉鉛華。更施丹牘。俾其恩地不在他門。雖不及采椽。備

枝梧於大厦。亦庶乎稊米增流。衍於神倉。

李商隱爲舉人上翰林蕭侍郎啓

伏念良馬嘶風。非堪伏阜。飢鷹刷羽。終恥棲籠。誠知象養之恩。頗有飛翔之志。而又

專門有暇。曾習政經。閉戶無營。因窺吏事。旣辨張湯之鼠。深知子產之魚。書劍彷徨。

年光倏忽。徒思效用。無以爲資。儻蒙再扇薰風。仍宣厚澤。庶使晏嬰精鑒。獲脫於在

途。酸蔑微班。得昇於收器。

溫庭筠上崔相公啓

伏以學士辨敵飛龜。才雄白鳳。鑒同止水。公甚平衡。潤青藻於詞林。雍榛蕪於義路。